



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1176. Usque Ad Annum 1203

Fleury, Claude

August. Vind. [u.a.], 1763

VD18 90118022

§. 49. Subsidia Papæ data.

[urn:nbn:de:hbz:466:1-66394](#)

Sæcul. XII. cepit, sicque mense Augusto anno millesimo centesimo octogesimo tertio extintus est. Plerique credidere, Romanos in potionē aquæ, cuius fontem veneno infecissent, ei mortem propinasse. Tunc vero exercitu, quem duxerat, dilapsi, Romani Summo Pontifici multo insolentius resistere ausi sunt. Ad Sedem Moguntinam, per Christiani abitum vacantem, Conradus, olim ad eamdem electus, rediit, relicta Sede Salisburgensi, quo translatus fuerat. Albertus vero Bohemus Salisburgum, jubente Imperatore, & illa Ecclesia consentiente, reversus, die decima nona Novembris anno millesimo centesimo octogesimo tertio Cathedræ Archiepiscopali secundo imponitur.

§. XLIX.

Subsidia Papæ data.

Rog. p. 632. **L**ucius Papa satis intelligens, quod sine ope aliena vim Romanorum repellere non posset, Nunciis ad Principes tum Laicos tum Ecclesiasticos missis, pecuniae subsidia petiit. Cum illi in Angliam venissent, & sibi mandata exposuissent, Rex convocatis Episcopis ceterisque Clericis, quid sentirent interrogat. Respondent illi; daret Rex Pontifici, quantum videretur, & suo & Clericorum nomine, *malumus enim, ajebant, pecuniam,* quam

quam Romanam miseras, tibi, si petas, red- Sæcul. XII.
dere, quam tolerare, ut Papa, missis in A.C. 1183.
Angliam nunciis, subsidia a Clericis e-
xigat; ne nova res vim consuetudinis
obtineat, & Regia Jurisdictio detrimen-
tum patiatur. Obscurus est id suaden-
tibus Rex, misitque Papæ magnam co-
piam pecuniae; atque his, aliisque ab
aliis Principibus impetratis auxiliis, Lu-
cius Papa pacem a Romanis coemit.

Eodem anno cum Papa Veletri ver- Rog. p. 621.
saretur, Joannes & Hugo, qui de Episco-
patu S. Andreæ in Scotia litigabant, in
Consistorio auditii sunt, visumque Judi-
cibus, neutri eorum in hanc Ecclesiam
jus esse. Ergo ambo simpliciter, nulla Sup. n. 27.
adjecta conditione, in manus Pontificis
renunciant, & a Curia recedentes expe-
ctant, quid ejus clementia de ipsis de-
cerneret.

Elapsis paucis diebus Pontifex Hu-
goni Ecclesiam S. Andreæ reddidit, &
Joanni Duncheldensem contulit, cum
omnibus bonis, quæ ei Rex Scotiæ ab-
stulerat. Ubi in Scotiam pervenerunt,
quisque suæ Sedis possessionem adiit.
Rege vero ea, quæ Papa jussérat, Joanni
restituere detrectante, is de Episcopatu
S. Andreæ cum Hugone iterum jur-
gari cœpit.